

DISSERTATIO INAUGVRALIS MEDICA,

24

DE
DVBBIA ATQVE SVSPECTA
HÆMORRHOIDVM
LAVDE,

QVAM,

DEO T. O. DVCE ET AVSPICE

RECTORE VNIVERSITATIS MAGNIFICO,

PRÆNOBILI ET CONSVLTISSIMO

N. TOBIA JAC. REINHARTHO,

TO, SACRI PALATII CÆSAREI COMITE, IVRIDICÆ FACVLTATIS ASSES-
SORE ET PROFESS. COD. PVBL. ORDIN. NEC NON CIVITATIS

ERFORD. SYNDICO ET CONSVLE,

CONSENSV ET DECRETO INCLYTÆ FACVLTATIS
MEDICÆ IN PER-ANTIQA HIERANA,

PRÆSIDE

N. D. IVONE JOANNE STAHLIO,

ENTISS. ELECT. MOGVNT. CONSIL. ET ARCHIATR. ANATOM. CHIRVRG.
BOTAN. PROFESS. PVBL. FACVLT. MED. ASSESS. ORD. ET P. T. DEC.

N. N. CIVITAT. ERFORD. CONSVL.

PATRONO AC PROMOTORE SVO COLENDISSIMO,

PRO LICENTIA

MMOS IN-ARTE MEDICA HONORES AC PRIVILEGIA
DOCTORALIA RITE OBTINENDI,

PVBLCÆ ERVDITORVM CENSVRÆ SVBMITTIT,

AVTOR ET RESPONDENS,

CHAEEL ERNESTVS DEVILLE,

Gothanus.

IN AVDITORIO MAIORI COLLEGII MAJORIS, HORIS CONSVETIS.

DIE X. JANVARI, A. MDCCXXXIII.

ERFORDIÆ, Typis JOH. CHRISTOPHORI HERINGII, Acad. Typogr.



PROÆMIUM.



Nter eos, qui studio Artis salutaris amplificando operam dederunt, non minimam meruerunt laudem illi, qui suam in eo collocarunt diligentiam, ut latitantes detegerent scopulos, ad quos plerique tanquam tempestate delati in medio cursu adhærescere solent. Si enim magnæ debentur illi gratiæ, qui errantem deducit in viam, multò majoribus condecorandus erit encomiis, qui iter ingredienti omnia præmonstrat loca devia, indicat præcipitia, submovet impedimenta, ut rectâ viâ, sinè omni periculo incedere, & exoptatam contingere possit metam. Quæ res, cùm

ità se habeat, facile intelligitur, non contemnendam eos præstitisse utilitatem, qui ab omni partium studio remoti, in eo fuerunt occupati, ut fideliter & sine omni acerbitate indicarent remoras, quibus detenti eò, quod aliàs potuissent, non progressi sunt Authores Medici, tum alii plerique, tum illi potissimum qui tota produxerunt nova Systemata. Hi enim dici vix potest, quot & quanta sese objiciant obstacula, quot in proseguenda veritate difficultates; Quarum, cum magnus invenitur numerus, eas tantum enarrabo, quæ & frequentius occurrunt, & noxam præ reliquis inferre solent graviores. Quò sine dubio pertinet immoderata illa, qua quisque propter suam vel vera vel imaginaria inventa afficitur, voluptas. Horum enim tanto plerique statim capiuntur amore, ut quiescere non possint, antequàm totum quoddam illis accommodarunt Systema; &, ne gratis hæc dixisse videar, exemplis comprobabo, nec celeberrimos etiam & classicos Authores hunc errorem semper evitare potuisse. Ut igitur mittamus veteres, nonnulli illi, qui chymicis experimentis Medicinam locuple-

cūpletarunt, cum perspicerent, ex plerisque corporibus per Ignis torturam Salem, Sulphur & Mercurium, vel huic simile quid, utpote principia activa materiæ præter passiva extorqueri posse, ex iisdem principiis & corpus nostrum constare, & ex eorum vitiosa mixtura morbos generari, iisdemque sanitati restitui debere tum crediderunt, tum aliis persuadere conati sunt? Cū SYLVIVS in structuram glandulæ pancreaticæ accuratius inquisivisset, humoremque ibidem secretum examinasset diligentius, omnium fere morborum originem exinde deducere, & ad ejus correctionem indicationes esse dirigendas affirmare non dubitavit. WILLISIVS ea laude, quòd Cerebri structuram nervorumque propagines summa solertia detegerit, non contentus, à nervis & horum liquido modo non omnes derivare annititur morbos. Ipse acutissimus BAGLIVIVS ab ea, quam aliis optime monstravit, via deflectit, & vim Duræ Matris, quam in movendis humoribus agnoverat, ad omnes fere vitales functiones extendit. Qui fluidis favent, illis omnem in morbis producendis & sanan-

dis tribuunt efficaciam, solidis omnino posthabitis. Alii econtra nullas admittunt humorum dyscrasias, & omnia ad solida referunt. Sunt etiam inter Neotericos, qui, cum in turbandis actionibus vitalibus aliquam vim Animæ rationalis deprehenderent, omnibus statim motibus eam solam præficiunt. *Sed est quodam prodire tenus, quo non datur ultra,* & in hoc etiam negotio medium tenuisse beati est. Nimis esset prolixum, hic recensere sigillatim omnes illas aberrationes, ex similibus causis pronatas. Solæ sufficiant Hæmorrhoides, hodie, si unquam, summis exornatæ laudibus, & talibus, quæ ipsæ illas suspectas reddere possent; Conscripserunt enim de iis integra volumina, quæ Panegyricas potius, quam rei natura desumtas laudationes continent. Cum itaque Specimen inauguraie edendum mihi incumberet, hoc in me suscepi negotium, ut exponam, quousque laudes Hæmorrhoidum patere, quibus vero includendas esse cancellis existimem. Quod, ut in Artis Medicæ emolumentum proximique salutem cedat, Dei T. O. M. imploro auxilium.

TRACTATIO

DE

DOUBIA ET SUSPECTA HÆMORRHOI- DUM LAVDE.

§. I.

Hæmorrhoids à Græco *αἷμα* sanguis, & *ῥέω* fluo, origi-
nem suæ denominationis ducens significabat vete-
ribus promiscue omne sanguinis ex quibuscunque
vasis profluvium: Licet jam suo tempore & HIP-
OCRATES, & GALENVS hoc vocabulo de fluxu sanguinis
ex venis intestini recti frequentius usi fuerint. Unde etiam
apud eos, qui illos sequuti sunt, obtinuit consuetudo, ut
hoc nomine *κατ' ἐξοχὴν* indicarent non tantum cruoris ex ve-
nis ani stillicidium sed ipsas etiam venas. *vid.* BARTHOLIN.
ib. I. cap. 4. Latinis ani venæ sanguinem fundentes, & pro-
fluvium sanguinis ex ano. Germani vocant venam auream,
e. guldene Uder, vel hyperbolice, quod observassent, sub cer-
tis circumstantiis eam tempestive apertam à gravioribus
morbis interdum præservare, vel propter foeditatem & mo-
stiam *κατ' ἀντίφρασιν*.

§. II.

Si quis memoriam eorum, quæ ab omni tempore in Re-
medica vel scripta vel disputata sunt, paulo diligentius reco-
git, facile deprehendit, semper aliquam hujus Disciplinæ par-
tem extitisse, quæ præ omnibus aliis Doctorum attentionem
& studium in se converterit. Cujus qui semel sibi propo-
uerunt deprædicare laudes, vix sibi potuerunt temperare,
quin terminos illius vulgaris: *Ne quid nimis*, transcenderent.
sed & illæ omnes suas habuerunt Periodos, & sæpenumero
plus laboris, ut in ejusmodi scriptis verum à falso discernere-
nt, adhibuit Posteritas, quam illi in tantis conscribendis
logiis impenderunt. Eadem fata fere omnia habent sim-
plicitia

plicia & Medicamenta, de quibus toti componuntur Tractatus: in his enim eorum virtutes eò redduntur incertiores quo pluribus morbis persanandis perhibentur esse idonea. Illi vero, qui ejusmodi labores suscipiunt, argumenti dignitati derogare crederent, nisi omnes fere suo Remedio Heroico perdomandas traderent ægritudines. Sed his missis redimus ad Hæmorrhoides, quæ nostro ævo ex sua obscuritate in lucem productæ plurimorum in se rapiunt curiositatem, & acuta quævis exercent ingenia.

§. III.

Hic vero non id ago, ut laudatissimam doctissimorum virorum in hoc perscrutando argumento adhibitam solertiam esse reprehendendam existimem, sed potius, ut modestè indicarem, in quo sensu laudes Hæmorrhoidum accipiendæ & qui honores immerito illis collati, mihi videantur.

§. IV.

Locus non patitur, ut jam omnia ordine persequar Elogia, quæ de hoc fluxu aureo passim leguntur apud Authores: sed brevitati studens, ablego potius B. L. ad Disputationes, quas de Hæmorrhoidibus eleganter admodum & copiose se concinnavit *Celeb. ALBERTI*, ubi sane largam inveniet me sem omnium eorum, quæ tam à Neotericis, quam Veteribus de Hæmorrhoidum utilitate & in genus humanum meritis vel laudantur, vel aliquam laudis præ se ferunt speciem. Ex quibus, quæ mihi visa fuere palmaria, depromam, & iis dubiis mea exercitii magis, quam tantis viris contradicendi studio subjunctis rationibus opponam.

§. V.

Laudatur Fluxus Hæmorrhoidalis 1) quia non est excretio præternaturalis vel morbofa, sed potius 2) à Principio vitali pro imminuenda Plethora ad salutarem finem semper instituitur 3) quia suppressæ hæmorrhoides fonticos producunt morbos, ideoque ab HIPPOCRATE una ad minimam aperta servari jubetur. 4) Fluentes econtra pertinaces non tantum sanant ægritudines, sed ab aliis etiam præservant quamplurimis.

§. VI.

§. VI.

Quod ad primum attinet, *fluxum hæmorrhoidum non esse præternaturalem, nec morbosum*, partim rationibus, partim vero Authoritatibus evincere conantur. Quæ res verò, ut rectè intelligatur, ante omnia erit determinandum, quid naturale, quidve præternaturale sit appellandum. Naturale igitur erit, quodcumque in corpore nostro quoad solida & fluida ritè constituto ad sanitatem conservandam non tantum peragitur, sed ex legibus Naturæ pro certo & determinato obtinendo fine necessario etiam peragi debet. Hinc præternaturale erit, quodcumque, solidorum & fluidorum proportionem mutata horumve qualitatibus respectivè depravatis motibusque turbatis, vel in corporis perniciem fit, vel à corpore jam illata fieri cogitur.

§. VII.

Unde cuilibet patere poterit, quousque valeat comparatio illa, quam inter Hæmorrhoides & fluxum Menstruum instituere solent. Hunc enim naturalem esse nemo negare potest. Quoniam corpus muliebre ita fabricatum est, ut certo tempore ejus pars sanguinis in foetus nutrimentum imendi queat. Quod verò tempus, quoniam est incertum, semper tamen viscera Hamatopœja plus sanguinis elaborant necesse est, quam ad istius solius individui sustentationem sufficiat, proptereaque, quamdiu illud superfluum in destinatum non absumitur, singulis mensibus meritò tanquam inutile ordinariè rejicitur. Hæc vero ratio in Hæmorrhoidibus nullum habet locum. Deinde, menses fluunt, vel fluere debent iuxta periodum omnibus fœminis, vel in optima sanitate constitutis, imò ob id sanis, (pauca eaque exempla rarissima excipio:) cum tamen hæmorrhoides semper supponant vel sanguinis abundantiam, in viris non, ut in mulieribus, obiectas causas, naturalem, vel hujus dyscrasiam, vel denique analium sanguiferorum obstructions in Abdomine.

§. VIII.

Sanguinis abundantiam supponunt, ut ipsi fatentur, quoniam intentionem Principii vitalis esse perhibent immi-

nutionem Plethoræ: vel sanguinem impurum, uti in Melancholicis, Hypochondriacis & Cacochymicis, in quibus observantur frequentiores, & hic, si unquam, utilitatem præstant. Obstructiones vero venarum superiorum in abdomine hanc excretionem vel promovere, vel etiam coacte producere docent leges Hydraulicæ, secundum quas, quo plures canales sunt obturati, eo major erit impetus fluidi versus reliquos. Ergo hoc nomine Hæmorrhoides habent omnes proprietates Excretionis præternaturalis.

¶ IX. Accedo ad Authoritates, quarum illam tantum attingere libet, quam jam laudatus Celeberr. ALBERTI in *Dissertatione de Hæmorrhoidibus suppressis Thes. V. pag. 13.* pro corroboranda sua opinione, fluxum nimirum hæmorrhoidum non esse præternaturalem, ex HIPPOCRATE adducit, sequentem in modum scribens: ----- „ Qui hæmorrhoides in prima fu-
„ eruptione confestim expavescunt, & illud horridum ve-
„ bum præternaturale cum austeris oculis ebuccinant: qui po-
„ tius evolvere, & prudenter dijudicare deberent, excretio-
„ nes illas, quas secundum naturam contingere scribit HIP-
„ POCRATES de *Alimento §. 4. text. 9. Excretionibus ventris, dicitur*
„ *secundum naturam, urinarum, sudoris, salivæ, muci, uteri &*
„ *hæmorrhoides* (sc. venas) ita sincerus senex hanc hæmorrhoi-
„ dalem evacuationem illis reliquis accenset, quas nemo præ-
„ ternaturales vocabit, aut noxam illis imputabit, sed de qu-
„ bus constans valet judicium atque suffragium, quod salut-
„ res & pro vitalitate utiles existant; ex quibus modo indi-
„ camus, quam sæpe aurea & in experientia medica exquisi-
„ tè fundata & probata testimonia oblivioni tradantur, ma-
„ le dijudicentur, sinistre concilientur & perversè applicen-
„ tur ----- Et est sane egregium quoddam in hanc rem tes-
„ timonium, cui nihil deficit, quam ut hic verborum alleg-
„ torum sit verus sensus. Sed ob eam causam totum hunc lo-
„ cum exscribere me non piguit, quoniam in ipsa Textus HIP-
„ POCRATICI evolutione comperii e directo contrariam esse
hujus sinceri senis sententiam, sequentibus verbis expressam

loco citato: (*in Edit. Foëf. vid. Sect. IV. p. 50.*) „Excretiones
secundum naturam, ventris, urinarum, sudoris, sputi, mu-
ci, uteri. Ad hæmorrhoides, thymum, Lepram, phyma,
carcinoma, ex naribus, è pulmonibus, ex ventre, ex ano,
ex cole, secundum naturam, & præter naturam. In græ-
co textu Foëfii, & alia editione græca veteri Basiliensi post
vocem *Uteri* sensus *puncto* clauditur. Adeoque hæmorrhoi-
des pertinent ad illas sussequentes, maxime præternaturales,
consensu omnium. Id quod magis adhuc illustrabitur per
infra dicenda de Lib. quem HIPPOCRATES de Hæmorrhoidi-
bus conscripsit.

§. X.

Secundo loco dicunt, Principium vitale hanc excretio-
nem semper ad salutarem quendam finem obtinendum insti-
tuere; Ubi quidem statim definiendum est, quidnam per il-
lud Principium intelligant. Si consuetas eorum loquendi
formulas penitus consideramus, apparet, illud ab ipsa Ani-
ma rationali nihil esse distinctum; Cui notitiam omnium
eorum tribuunt, quæ alias ad actiones naturales, imperio
sensitivitatis non subjectas, referuntur. Secundum horum igitur
opinionem, si ille corporis humani est status, ut major
sanguinis copia, quam ad illius vel nutritionem, vel sustenta-
tionem requiritur, elaborata suggeratur, tunc illud sic di-
ctum Principium vitale, conservationi corporis sibi concre-
diti sollicitè intentum, omnes à Plethora imminentes afflictio-
nes sapienter prævidet, de prævertendo incommodo delibe-
rat & omnibus in utramque partem probè perpensis cir-
cumstantiis, tandem sanguinis excretionem quandam per lo-
cum respectivè securum esse necessariam, concludit. Quo
facto, ad hoc perficiendum negotium sine mora se accingit,
& sic ex eminenti quadam causâ interna aut morali, aut ad
vitalem œconomiam spectante, mira in scœnam producit
molimina congestoria, tonico spasmodica, intentionaliter
& directe eluctatoriâ, catoterica &c. (ita enim loqui amant)
quibus omnibus tandem obtinetur, ut sanguis per venas ani
effluat.

§. XI.

Ubi quidem statim, si quam forte meo consilio *Principium vitale* adhibiturum sit fidem, monerem, ut potius in principio tam inutile, imo perniciosum sanguinis augmentum provide impediatur, & superfluas partes chylosas cum excrementis per proximam & tutissimam viam excludat. Si enim verum est, de quo illi non dubitant, quod jam laudatum principium arbitrarium quoddam in omnes actiones naturales teneat imperium, nec, tanquam sui conservandi corporis studiosissimum, bona destituatur voluntate, nihil poterit efficere sanæ rationi convenientius, quam eam tempestive cohibere massæ humorum exsuperantiam, à qua deinde cum tanto rerum discrimine corpus liberari debet. Turpius enim ejicitur, quam non admittitur hospes.

§. XII.

Sed furdo narratur fabula. Licet enim à tot seculis innumerae fere extent observationes eorum, qui sub medio hæmorrhoidum apparatu interierunt, dum illa moliminum activitas vel repagula istarum venarum non valuit percurrere, vel per earum orificia, non justo tempore iterum obturata, vita cum sanguine se proripuit, vel tardiori passu propter istarum partium corruptionem & fistulosas exulcerationes subsequuta sphacelatio vitæ imposuit finem; hodie tamen adhuc Anima illa rationalis in illis etiam, qui ancipitis hujus periculi optime sunt gnari, eadem viâ procedit, ac si nihil eorum, quæ de hac periculosa & molesta excretionem relata leguntur, & audiuntur quotidie, haberet compertum.

§. XIII.

Unde intelligitur, illud, de quo sermo est, *Principium vitale* aut segnius integritati sui corporis invigilare, aut ea quæ suo obtinendo scopo inservire debent, non satis dijudicare posse, aut demum nullam omnino tam arbitrariam, ut perhibetur, ejusdem in actiones corporeas esse potestatem.

§. XIV.

Si hujus Principii rationalis ponimus non modo existentiam, sed eam quoque, qua cum corpore conjunctum est
neces

necessitudinem, condonari vix posset, tantā Ejusdem in administranda sua functione incuria, qua præternaturalem inter solida & fluida irrepere patitur proportionem, non sine maximo discrimine corrigendam.

§. XV.

Quodsi hoc principium ratione est præditum, & omnes dirigit in corpore nostro functiones, necessario sequitur, illud & vim solidorum perfecte habere cognitam, & quid de qualibet fluidi particula aut retinendum aut expellendum sit, distinctè cognoscere; unde ne hæc quidem in illud cadere poterit suspicio.

§. XVI.

Ergo nihil reliquum est, quam in dubium vocare liberam illam ad rationis normam omnes interiorum viscerum actiones dirigendi potestatem: quæ ipsa eo minus merebitur fidem, quo evidentius, omnibus probe collatis circumstantiis, patet, totum hoc negotium secundum leges Hydraulicas & Hydrostaticas institui & procedere.

§. XVII.

Quarum illæ tres maximæ hic sunt considerationis.
1) Fluidum in canalibus ab omni parte clausis circumactum, si quando erupturum est, in eo perumpet loco, ubi minor respective opponitur resistentia. 2) Si certus quidam horum canalium numerus est obturatus, tunc eo majori proportionatè per reliquos feretur impetu. 3) Si fluidum est hæterogeneum, ita, ut quædam ejusdem particulæ sint magis solidæ, læves & rotundæ, adeoque mobiliiores, reliquæ vero porosæ, angulosæ, scabræ, viscidæ, hinc ad motum tardiores (*vid. Celeb. BOERHAAVII, Instit. Med. §. 224.*) tunc posteriores inferiorem occupabunt locum.

§. XVIII.

Hinc concluditur, si has leges ad corpus humanum applicamus, condiciones pro hoc fluxu hæmorrhoidali concitando esse debere. 1) Sanguinis præternaturalem abundantiam. 2) Illam venarum circa intestinum rectum dispositionem, qua minori vi, quam omnes aliæ cum illis conspi-

rantes, aperiri queant. 3) Obstructiones venarum superiorum, vel etiam vicinarum, ut in Liene, Hepate, Pancreate, Mesenterio, Utero &c. 4) Humorū dyscrasiam, ab immutatione Secretionum & Excretionum, vel propter eorundem obstructiones, vel ob debilitatem, utpote in Senibus, oriundum. Harum igitur causarum modo quædam solæ, modo plures complicatæ, modo omnes simul dictam evacuationem producere poterunt. Cujus rei optimum testimonium præbet experientia.

§. XIX.

Tempus me jubet properare ad tertium momentum, quo salubritatem & pro conservanda Machina vitali necessitatem huic Fluxui ex ea ratione asserere contendunt, quia, experientia teste, Hæmorrhoides suppressæ fonticos producunt morbos. Ubi dispiciendum est, an omnes illæ excretiones, à quarum legitima successione, ægroti levamen, intempestiva vero & tumultuaria suppressione, exacerbatio symptomatum jam præsentium dependet, pro naturali, in se salubri & nil morboſi habente reputari debeat? Scabies solvit quartanam, retro pulsa verò non tantum eandem producit, sed alios etiam quamplurimos, morbos, Paralyſes, Apoplexias, Cœcitates, Tremores, dyspnœas, scirrhus &c. Nec tamen propterea hucusque in numerum excretionum naturalium à quoquam relata est. Prætermitto exanthemata, variolosa, Morbilloſa, Scarlatina &c. easdem proprietates habentia. *Dysenteria si intempestivè sistitur, facit abscessus ad viscera, vel articulos, cruenta ad viscera, biliosa ad articulos.* HIPPOCRAT. Coac. I. DVRETUS 343. *si habenti ulcus in una ex tibiis sordium serosarum fluxus privatur, ac purum & aridum evadit, deinde lateris & pectoris dolor è directo tibie affectæ supervenit, lethale.* HIPPOCR. de Morb. Popularib. Lib. 4. in princip. *Post sanatum ulcus tibiæ sanguinis sputum supervenit.* RODIVS Cent. II. obs. 84. *Ex ulcere inveterato in crure sinistro ab Empirico sanato, agrotus post menses aliquot Pleuritide in sinistro latere correptus fuit, atque inde mortuus; morbo durante talia spuebat, qualia ex ulcere ante prodire solebant.* FABR. HIL-

DAN. Cent. III. Obs. 39. Ergo hæc saniei per ulcera excretio pro naturali & in se salubri habenda erit?

§. XX.

Sed regerunt: omnes illæ excretiones morbosæ convenientibus remediis, iusta methodo adhibitis tolli & persanari possunt sinè ullo sanitatis subsequæntis incommodo; cùm econtra Hæmorrhoides, ubicunque sui indicia semel exhibuerunt, omni studio & opera juvandæ & promovendæ sint, nec sine summo valetudinis periculo prohibeantur. In cuius rei testimonium plerumque provocare solent ad notum illud HIPPOCRATIS suffragium, qui Lib. VI. aph. 12. scribit: *Diuturnas curanti hæmorrhoides, nisi una servetur, metus est ne aqua inter cutem & tabes succedat.* Ubi recte annotavit HEVRNIVS in commentario suo, quòd recentes quidem hæmorrhoides supprimi possint, quia HIPPOCRATES diuturnas tantum sistere vetat. Diuturnarum enim fluxus omnino permittendus est, præsertim in senibus & Cacochymicis, & quidem ex eadem ratione, qua ulcera antiqua & fluentia consolidari prohibentur. Si enim GALENI Commentario fides habenda, HIPPOCRATES hoc loco de iis tantum hæmorrhoidariis loquitur, qui propter Hepatis obstructiones magnam humorum feculentorum & melancholicorum copiam accumularunt, quos Hepar ad has venas detrudit, & qui, hac via intercepta, necessario versus Hepar & Pulmones regurgitare deberent.

§. XXI.

Si quando HIPPOCRATES mentionem facit morborum à suppressis hæmorrhoidibus productorum, tunc semper loquitur de suppressione intempestiva. Quemadmodum Epidem. Lib. 6. de Alcippo animadvertit, qui intempestive curatis hæmorrhoidibus, in Maniam incidit, has enim vocat *ιντενδεντας αναισες*, easque manifeste morbis annumerat Lib. III. aph. 30. *His verò, qui hanc ætatem (Juvenilem) superarunt, crebri anhelitus morbi laterales, pulmonum inflammationes, lethargi, phrenitides febres ardentes, diuturna alvi profluvia, cholera, intestinorum difficultates & lavitates, hæmorrhoides.*

§. XXII.

§. XXII.

Deinde ubicunque HIPPOCRATES de cura Hæmorrhoidum loquitur, semper intelligit earum suppressionem procurandam. In toto enim Libro, quem conscripsit de Hæmorrhoidibus, nihil aliud agit, quam ut doceat, quomodo vel urendo, vel incidendo, vel exterius adstringentia applicando venæ istæ claudendæ sint, ne una quidem excepta, ut expressis verbis scribit: - - - - - *tum candentibus admotis ferramentis, uruntur, quoad exsiccentur, ita, ut ne contingas. Ure vero ita oportet, ut earum venarum, quæ sanguinem fundunt, NULLA iniusta relinquatur, sed OMNES adurantur.* Quam methodum etiam retinuit AETIVS Cap. 5. *serm. 2. tetrab. 4.* Quodsi igitur alio loco dicit, unam esse servandam, illud intelligit, ne intempestive, & corpore non præparato, præsertim ubi natura illis jam est assueta, omnes simul claudantur. Intempestive autem curati dicuntur GALENO Com. 3. *in lib. 6. Epidem.* qui neque sanguinis missione certis temporibus & periodis, neque medicamentis purgantibus, neque item exercitationibus corporis reduntantiam vacuant, neque etiam unam relinquunt, sed omnes in universum tollunt. Ex quibus satis constat, eos, qui adeo graviter hæmorrhoides ferunt, ut sistendi consilium ineatur, longo temporis intervallo per circuitus phlebotomiæ, purgationi & totius corporis exercitationi esse obligandos: dein non simul atque universim tollendas esse hæmorrhoides, sed unam relinquendam, quæ paulatim, jam assueta ad vacationes natura, & optima victus ratione ad naturalem habitum revocata, tandem ita suppressi possit, ut nulla relinquatur, quod etiam est AETII consilium, & ita loquitur FOESIVS Com. 2. *in Lib. Hippocrat. de Hæmorrhoid.* Qui totum hunc librum considerat facile poterit perspicere, illos hæmorrhoidum Patronos, qui patrocinium apud HIPPOCRATEM quarunt, hæc verba, unam esse servandam, sinistrè admodum interpretari.

§. XXIII.

Jam laudatus Celeberr. ALBERTI, in *Dissertatione de Hæmorrhoidibus Fæminarum Thes. V.* in suas partes trahit suffragium

gium GALENI, qui in *Comment. ad aph. 33. Sect. 5.* dicit: *Si quis*
gitur eam (hæmorrhagiam) quæ sit per sedem, dixerit, ita affe-
ctis mulieribus utilem esse, non adversatur aphorismo. Si quis au-
 tem veram de hoc negotio GALENI sententiam, & quod
 pro subsidio tantum corporum morbidorum habeat, scire
 cupit, adeat *Comment. ad aph. 25. Lib. 4.* ubi mentem suam
 ita explicat: *Sanguinis excretio per superiora semper mala, per*
inferiora autem, hæmorrhoides, bona, quando evacuat atram bilem,
id est, quando natura hominis copiosum ejusmodi humorem accu-
nulavit. **ALIAS VERO NON EXPEDIT ASSVEFIERI HÆ-**
MORRHOIDALI HVIC EVACVATIONI, *in utramque partem*
periculose peccanti, aut nimium excernendo, cut subito omnino sub-
sistendo.

§. XXIV.

Has authoritates, licet ad totam dirimendam litem in-
 re, ubi quilibet suo abundat ingenio, non sufficiant, eam
 tamen ob causam adduxi, quoniam apud hæmorrhoidum
 laudatores HIPPOCRATEM & GALENUM tam crebro inve-
 nio allegatos, & ut pateat, eam de earum salubritate do-
 ctrinam illis infringi potius, quàm ut aliquod exinde aquirat
 robur.

§. XXV.

Ad quartam tandem, qua hanc hæmorrhagiam ani or-
 nant, me converto laudem, quod scilicet hæmorrhoides
 fluentes pertinaces non tantum sanent ægrotudines, sed ab
 aliis etiam præservent quam plurimis. Id quod tam expe-
 rientia, quam veterum Authoritate confirmari potest.
 Nam sanè, quod ad hoc attinet encomium, eo hæmorrhoides
 non videntur esse defraudandæ. Illud enim quotidiana
 comprobavit Experientia, in illis, qui ad hunc fluxum sunt
 dispositi, spasticas sæpe internarum partium constrictiones,
 indeque oriundos dolores, suffocatorios, Cardialgicos, Co-
 licos, nephriticos &c. per earum fluxum tempestive priori-
 tatum ad miraculum fere esse consopitos. Optimam etiam
 præbent medelam in fonticis illis affectibus, qui aliàs opti-
 mis

mis quibusvis remediis non facile cedunt. Sic enim *hæmorrhoides Podagræ supervenientes, bonum.* FORESTVS Lib. 23. obs. 4. *Ischiadico artbritici dolores, obortis hæmorrhoidibus, aut in tempore adhibitis hirudinibus, certissime cessant: continuante hæmorrhoidum talium per stata tempora fluxu constanter desinunt.* Celeb. STAHL. *Diss. de Nova Podagræ Patholog.* p. 27. qui & ejusdem notæ egregia præbet testimonia. *ib.* p. 29. & *Diss. de Astrocrat. Natur.* De qua re evolvi etiam merentur *Miscell. Vratilaviens.* 1718. Mens. Novembr. p. 1871.

§. XXVI.

Præservant Hæmorrhoides tum ab aliis multis, tum ab iis præfertim, qui recensentur ab HIPPOCRATE Lib. de Humoribus, quem etiam locum deinde repetit in Lib. VI. de Morb. Epidemicis Sect. 3. his verbis: *Qui sanguinem per ora venarum, quæ in ano sunt, profundere solent, neque morbo laterali, neque pulmonis inflammatione, neque ulcere exedente, neque furunculis corripuntur, neque lepra* . . . *Intempestive tamen curati multi brevi hujusmodi morbis correpti sunt, eamque ob causam perniciose habuerunt.* Quod igitur Hæmorrhoides justo tempore & ordine fluentes in dispositis magnum præstent emolumentum, de eo nemo dubitat. Sed, an propterea inter excretiones naturales, in se & sua natura salubres referri mereantur? de eo non omnes conveniunt. Putant enim illi, qui hanc laudem illis tribuunt, se nihil præclarius ad eam rem confirmandam allegare posse, quam modo citatum locum ex HIPPOCRATE, quem fere in omnibus, quas de Negotio hæmorrhoidario composuerunt, Dissertationibus exscriptum reperire licet: Cum tamen illis, qui contrariam fovent sententiam, tantum illa addenda sint verba, quæ immediate subsequuntur. Nempe: *quod & in reliquis abscessibus, velut fistulis, contingit, qui aliorum medela sunt.*

§. XXVII.

Hic enim iterum hæmorrhoides ab Hippocrate habentur eodem loco, quo haberi solent abscessus, fistulæ, ulcera antiqua manantia, quibus intempestive consolidatis & exsic-

catis,

itis, fieri observantur perniciosæ humorum impurorum
metastases & decubitus ad loca nobiliora, dum interim Na-
ra, istis evacuationibus diu assueta, tam prompte per alias
as eosdem non possit expellere.

§. XXVIII.

Et hæc quidem sunt, quæ in mentem mihi veniebant,
m, loco Speciminis Academici, probare in me suscepis-
m: 1) hæmorrhoides falso haberi in numero excretionum
turalium & per se salubrium, sed potius 2) merito referri
morbos, hinc 3) laudes hyperbolicas huic morbo tribu-
s jure esse suspectas & denique 4) quod ex istis fluit, hanc
cretionem contingere non posse in corpore sano, sed
tius semper supponere statum morbosum, & temere quos-
dam sine discrimine eundem moliri & proritare
in omnibus fere subjectis &
morbis.

T A N T V M.



Q Vos tua promeruit Virtus, ego grator
honores,
His, scio, majores post Tibi fata da
bunt.

Faxit Sancta Trias, ut iis, ERNESTE! fruaris
Usque benè, atque aliis commoda multa
crees.

ita optat

D. LAVR. THEOPH. Luther
Chym. Prof. & Facult. Med. Assess.
Ord. Consul Senior, nec non
Phyfic. Civitatis.

D Vm tandem meritis gravium DEVILLI
laborum

Percipis ex voto præmia digna tuis
Fert animus meliora tuæ primordia fortis
Versibus & votis condecorare piis

Omni

omnibus in cœptis, si quid mea vota vale-
bunt

Summum comperies Numen adesse Tibi
argua tuam cumulent fortunæ munera vitam
Auspicio felix & novus annus eat.

*Hæc amicitia & memoria causa plaudens
apposuit*

D. JOH. WILH. ALBRECHT,

P. P.

OMnia conando docilis solertia vincit,
Hoc in TE pariter *fautor, amice* valet
Dulcia non meruit, qui non gustavit amara
Hinc novus hic annus, dulce coronat opus,
rita quidem refero, sed credas congrua vero,
Hinc igitur Lauro tempora sunt rutila.
non conando docilis solertia vincat,
Dulcibus haud dignus, qui nec amara pro-
bat.

*Hæc in xenium & singularis amicitia Tes-
seram Doctissimo Dno Dno Doctorando de
specimine inaugurali apponere voluit, de-
buit amicus integerrimus & quondam
sodalis fidelissimus*

M. S. J. L.

Dat

Nunc Gerana Tibi DEVILL largitur ho-
nores

Quos es promeritus pervigili studio
Mens mea succedant in Praxi cuncta precatur
Fauſte, divitiis aurea vena fluat
Sic honor & Tua laus altiffima fidera ſcan-
dunt
Spargitur & magnum nomen in orbe Tuum.

*Hiſce Prænobili atque Doctiſſimo De-
mino Doctorando gratulari voluit
opponens*

J. D. M.

DAt Galenus opes & dat Galenus honores
At ſummis ſtudiis, illa petenda bona
Jam ſtudioſa manus monſtravit fautor amande
Quale ſit ingenium dexteritasque tua
Hinc etiam ex merito, dignusque capeſſis ho-
nores

Qui tibi pro voto commoda multa ferant.

Gratu-

Gratulor atque opto, summus bene coëpta se-
cundet

Apprecor eveniant omnia fausta Tibi.

*Hiscæ Nobilissimo & Doctissimo Domino
Doctōrando, amico suo honoratiss-
simo, honoris & amoris causa ap-
plaudere volebat*

J. M. J. ESCHWEILER,
Med. Cand.

Quem meruit? quem tanta tulit? quem
sorte refulsit
Laureolâ cingi? meruit contingere nun-
quam

At sequitur solertis onus, dans præmia semper.
Hinc à te neque terga subit, cùm dicere fas
sit:

Perfida mors moritur, salus hîc jam nascitur
ægris.

*Ità applaudere voluit Nobili atque Do-
ctissimo Domino Defendenti*

M. A. E. H.
C. M.

Sic

Sic decet esse virum, sic se monstrare deco-
rum est;

Ut, quantum valeas, urbs, regioque sciat.
Sin fors objiciant aliqui: laus propria sordet;

Concedo immeritam, promeritamque nego
Aft Tu continuo noctuque diuque labore,

Quem studiis dederat, Tun' mereare nihil?
Magna Tua est Virtus, Major doctrina refulge

Præmia quæis tandem, quæis titulosque fere
Ergo salutiferæ faustum tibi comprecor artis

Successum, atque opto prospera cuncta tibi
Sic pulchrum est digitis monstrari & dicie

Ille est,
Ille est, quem tempus posteritasque colet.

*Hiscæ paucis devotum semper animum
suum erga prænob. ac experientiss.*

D. D. voluit ostendere ejusdem

amicorum & servorum

Infimus

J. M. B. STRECKE

Jur. Stud.

